

Bulu - Bezimbi Mintilan - Soldiers Scriptures

Efeze 6:10-18

- 10 Ma su'ulane jô na: Bo'one ngul e be Nti, a e ngule jé ja dañe ngul ése.
- 11 Jaéne biôme mewosane bi Zambe, ane mi ne dôngan atyeñé mimboon mi Satan.
- 12 Bi nji wosane metyi nge minsôn, ve bi jôé, betebe ôsu, a bejôô ya dibi, mimbia minsisim mi ne yôb étê.
- 13 Ajô te biane biôme mewosane bi Zambe, nde éyoñé mbia môs wo ye kui, mia ye bo ngule ya yeme ngu a tebe ne sim, a koone na mi maneya bo mam mese.
- 14 Teba'ane ñhe tetele! Mi jaé bebela mengeteñ ane kandé, zôsôô ane ében,
- 15 dulu ya kate Mbamba Foé mvo'é e mebo ane bikondé.
- 16 Mi dañe nyôñ ébene mbunan, ja ye ve mia nguleya dime mekoñé me nduane Satan.
- 17 Mi su'ulane nyôñ ékôngô nyian a nkpwaté mekône Nsisim, e ne na: Mejô me Zambe.
- 18 Nsisim a va'a mia ngu e meye'elane menan mevale mese, e minja'ané mienan, biyoñé bise. Bela'ane mbômban évevé wônan, asu meye'elan te kat, ajô mimfufube mise,

Besam 91(90):1-16

- 1 Nyô a tebe asoé Zambe a dañe nkôñé yôp, nye a too ne njema e éjjine Zambe ya ngul ése étê.
- 2 Nyôlé a yiane jô Nti na: ô ne asoé dam a ôleme wom, ô ne Zambe wom, me too wo ndi.
- 3 Nti nye a ye kôté wo melam ba ke ba lame wo ôsu a ébubua ôkon ja wôé bôt (bim)
- 4 A ye kamane wo, wo ye yene vôme ya sobô be nye, aval ane mone kub e mefab me nyia wé si. Ndi nleme jé é ne nye ében a ékpwelé mewosan.
- 5 Wo ye bo te ko jôm éziñ woñ; to'o be angôndô be mam ya beta woñ ya alu, nge akoñ élaé da yele a môs;
- 6 nge ébubua ôkon ja woñ dibi étê, nge ayôñ ya jôb da jimbi bôt e zañe môs.
- 7 Yaa, ja'ana bibubua bi mam bite, bia wôé bôt toyini bebé vôm ô né, a toyini awôm ki e mbo nnôme wôé, teke'e jôm éziñ ja ye bo wo.
- 8 Ku'i ve mis a wo ye yen ane Zambe a ya'ane bebo mam abé.
- 9 Ya'a! Nti a ne wo vôm ya sobô, ô boyâ nyô a dañe nkôñé yôb ôlem.
- 10 Teke'e abé éziñ da ye nambe wo, teke'e njuk éziñ wo ye subu wo bebé.
- 11 Amu Nti a ye ve Béngele bé abendé na be ba'ale wo vôm ase wo ke.
- 12 Ba ye be'e wo e mo mab yôp, na abo dôé e bo te bômôtô akok,
- 13 Wo ye wulu teke'e ko jôm éziñ woñ, a tibi ngbwengbwem nge akpwel yôp, wo ye tibi beta betit nge nyo yôb a mebo.
- 14 Amu a kabetane ma, nalé Nti a jô, ma ye telé nye vôm a sobô; ma ye kamane nye amu a yem za nye me né.
- 15 Nge a loone ma me volô nye, ma ye yalane nye. ma ye tabe nye fefe, ôlune vié

été, ma ye kôté nye, ma ye beta ve nye duma dé,
16 ma ye ve nye ényiñ é ne ayab a njalan, a ma ye bo na a yene na me ne nkôté
wé.

Besam 18(17):1-51

- 1 Asu évete beyia bia. Sam David mbo ésaé Nti, aval a nga yia Nti bifia ya jia ji
éyoñe Nti a nga nyii nye e mo besiñe bé bese a e mo me Saül. Nye na:
- 2 Ma nye'e wo, a Nti, ngule jam.
- 3 A Nti, akôme dam, ôleme viam, nkôté wom! Zambe wom, akôme dam e vôme
ma sobô! ébene jam, ngule ja nyii ma, vôme ya sobô a n'ôyabe yôp!
- 4 Ma bete tyiñ a jô na: Ékaña'a é bo'o be Nti a me nyiibaneyya be besiñe bam.
- 5 Mengata'a y'awu me nga bametane ma, a atôñe mendime ya ntyaman e nga bo
me na me ko woñ.
- 6 Mengata'a ya vôme ya miñwuan me nga bômane ma, mevote y' awu me mbe
m'ôsu.
- 7 Ôlune viam étam, ma loone Nti, ma yône be Zambe wom. A too nda njô bôte je
été a wô'ô tyiñe jam, a ñyône wom e be nye wo kui e melo mé.
- 8 Si é nga su'uban a fô'ôsan, mimbôka'a ya beta minkô mi nga ti'itan a su'uban
amu ayaa dé e nga kalane nduan.
- 9 Otita ô nga vame mimbile mi môé mié a nduane ja min é nga kui anyu dé:
metye'e me nduan me vamek.
- 10 A nga viti yôb a sis afibe nkut e too nye mebo si.
- 11 A mbe a too e kérubime yôb a a yele'e e mefabe m'évuñulu.
- 12 Dibi e mbe asoé dé a nda éndelé ja bômane nye; nalé a ne na bivindi mendim
a minkut mi n'ékukut.
- 13 Minkut, meta'a a ma'a me nduan bi mbe bi so'o éfufub é mbe ny'ôsu.
- 14 Nti a nga bam e yôp, nyô a dañ ôyabe yôb a nga bo na tyiñe je é wô'ê a
meta'a a ma'a me nduan.
- 15 A nga wua mekoñe m'élaé mé a mialane me. A nga bulane feleves a bo na é
tôtan.
- 16 Vôme mendim ma lôtan a nga yené. Mimbôka'a y'émo mi nga kuluban, amu
ayaa dôé a Nti! amu mfeb évuñulu ya mimbile mi môé miôé.
- 17 A same wo wé ô so'o yôp, a bi ma. A dutu ma e beta mendim;
- 18 a kôté ma e be ngungule nsiñe wom, e be ba ba vini ma, be too fe ngu a dañe
ma.
- 19 Be nga basane ma e môse bidime wom; ve Nti a mbe étabe ndi jam.
- 20 A nga bo na me kui mfa'a ya telé ma mvo'ê, a nga vaa ma amu a nga nye'e
ma.
- 21 Nti a nga bo ma ane zôsôô wom a né. A nga ya'ane ma ane mfubane ya mo
mam ô né.
- 22 Amu me nga ba'ale mezene me Nti, a me nji ke Zambe wom ôyab a évô.
- 23 Minjôane mié mise mi ne m'ôsu, a me nji vaa memvinda mé be ma.
- 24 Ma zu ma wulu zôsôô mfa'a wé a ma zu ma tabe ntyele ya kop.
- 25 Nti a ya'aneya ma ane zôsôô wom a né, ane mfubane ya mo mam ô né e mise

mé.

26 O ne mba fulu e be nyô a ne mbamba mefulu, zôsôô e be nyô a ne zôsôô.

27 Ô n'étyi e be nyô a n'étyi wo yeme tabe ntyel éyoñ ô bili ajô a bezametane mam.

28 Amu wo wo nyii bingôngole bi bôt, a sili mise bivese si.

29 Wo wo bo na éfufube jam é faé; Nti, e Zambe wom, a faé dibi dam éfufup.

30 Amu wo, me ne nguleya tulan nkane bita ô bili mengal mo. amu wo e Zambe wom, me ne yôô aka'a meko'o yôp.

31 Mezene me Zambe me ne mvo'ë, ajô Nti ki e ne bebelà; a n'ében e be ba bese ba sobô be nye.

32 Amu na za a ne Zambe ye sa Nti, a za a ne kam ye sa e Zambe wongan?

33 Zambe nye a tiñeti ma ngul angeteñ, a nye a bo na zene jam é bo mvo'ë.

34 A bo na mebo mam me funane ma minkok, a a telé ma mevôm me n'ôyabe yôp.

35 A ye'ele mo mam mewosan, a mo mam ma kolé élaé mvot.

36 Wo ve ma ébene ya nyiane wôé. Mbo nnôme wôé wo su'u ma. A mvame jôé ja bo me na me bo beta môt.

37 Wo bo na me mate mbil avôl abui mebo teke kolé.

38 Ma titane besiñe bame mvus a koone be, a me nji bulane mvus te na me mane jiane be.

39 Ma wôé be a be se nguleya beta tebe tetele; ba ku e mebo mame si.

40 Wo jalé me ngul angeteñ asu mewosan, wo viti besiñe bame si be ma.

41 Wo kalane mvuse besiñe bame be ma, ma ye tooé ba ba vini ma évô.

42 Ba yôn, ve teke môt a nyii be; ba yône be Nti, nye teke yalane be!

43 Ma ko'o be ane mbulu'u évuñulu ja kee wô. Ma vose be ane mboto'o ya minjoñ.

44 Wo bo me na me fame melumane me bôt; wo telé ma évete meyoñe bikuu; ayoñe bôt me nji yem da saane ma.

45 Ba bo ma mewôk abendé ôsu, bone be mone bikuu ba du'u ma;

46 bone be mone bikuu be te'eya, ba vam aleme dab étè be fô'ôba'an.

47 Nti a tabe'e nnôm éto a akôm ako'o dam e bo'o ébotan, Zambe ya nyiane wom a nyoñe duma.

48 E Zambe a ve ma akuna'a, nyô a futi meyoñ me bôt éjôé jame si.

49 Nyô a bo na me tube besiñe bam! Wo bete ma yôb e be besiñe bam. Wo kôté ma be môt a n'ékotekot.

50 Ajô te nde ma ye kañe wo e meyoñe bikul étè, a Nti! A ma ye yia duma ya jôé dôé bia.

51 A kañese beta minkôtan asu njô bôte wé. A ne mvam e b'éñwé a ne ñwo'one mbon, e be David a mvoñe jé nnôm éto.